



Босна и Херцеговина  
Агенција за идентификациона  
документа евиденцију  
и размјену података



Bosna i Hercegovina  
Agencija za identifikacijske/identifikacione  
isprave/dokumente, evidenciju  
i razmjenu podataka

Broj: 15-03-16-5-35-25/22  
Datum: 30.5.2022. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

## ODLUKU o poništenju postupka javne nabavke

### Član 1.

Poništava se postupak javne nabavke **ketridža i glava štampača za uređaje za personalizaciju pasoša, i to za LOT 2 - ketridža i glava štampača za DILETTA-u, odnosno UV personalizaciju pasoša**, objavljenom na web portalu Agencije za javne nabavke Bosne i Hercegovine, Obavještenje o nabavci broj 1110-7-1-23-3-43/22 od 27.4.2022. godine, koji je proveden postupkom konkurentskog zahtjeva za dostavljanje ponuda.

### Član 2.

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja.

### Član 3.

Ova odluka stupa na snagu danom donošenja.

## O b r a z l o ž e n j e

Nakon provedenih aktivnosti, Komisija za provođenje postupka javne nabavke je konstatovala da je rok za dostavljanje ponuda 19.5.2022. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigla jedna (1) ponuda i to ponuđača „MRG EXPORT-IMPORT“ d.o.o. Banjaluka. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, u kojem su detaljno obrazloženi razlozi za poništenje postupka.

Zapisnički je utvrđeno da ponuda ponuđača „MRG EXPORT-IMPORT“ d.o.o. Banjaluka nije prihvatljiva, cijeneći ista nije potpuna s obzirom da priloženi Aneks 3 – Obrazac za cijenu ponude nije popunjen u potpunosti, odnosno ne sadrži cijenu glave za štampač DILETTA-u, odnosno UV personalizaciju pasoša.



S obzirom na navedeno, odnosno da ponuda jedinog ponuđača nije prihvatljiva, Komisija je predložila da se u skladu sa članom 69. stav (2) tačka d) Zakona o javnim nabavkama poništi postupak javne nabavke.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane Agencije u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

